



Studio Italia

Valentine's Special

50 - 75 %

Discount Riba diferente Mercancia

Seaport Village Mall

DRS. MARIO ENRIQUE CROES DIRECTOR DI S.V.B.

ORANJESTAD [AAN] Consejo di Ministro dia 5 di februari a nombra drs. Mario Enrique Croes como Director di e Banco di Seguro Social (S.V.B. Sociale Verzekerings Bank).

Drs. Croes a nace na Aruba dia 16 di October 1954 y ta yiu di Nibio Croes y Maria Croes-Zambrano. El a studia periodismo, politicologia y diplomacia na Hulanda. Den su ultimo funcion e tabata encarga cu e reorganizacion di S.V.B.

CURRICULUM VITAE

E carrera profesional di drs. Mario Enrique Croes te cu su nombracion como director di S.V.B. ta uno hopi varia. Su estudionan y su experiencia ta cualifike como un profesional cu capacidadnan multi-funcional y versatil. Den su ultimo funcion como coordinador di Ministro di Salubridad Publico, el a worde encarga cu e reorganizacion di SVB. Durante e periodo aki drs. Croes a aplica su conocimiento riba tereno di organisatiekunde cual el a adquiri den su estudio na Universidad di Amsterdam. En total drs. Croes a haci tres estudio. Su prome estudio el a cuminsa na Utrecht, Hu-

landa, na 1973 despues di a finalisa Colegio Arubano. Na Utrecht el a studia na School voor de Journalistiek. el a gradua na 1976 y a bolbe Aruba y a traha como periodista durante un etapa turbulento den e historia politico estatal di nos pais. Como tal el a relata e lantamento na di augustus 1977 a despues cu gabinete Rozendal a worde forma.

Na e mesun aña drs. Croes a bolbe Hulanda unda el a traha como free-lance journalist. E tabata redactor di TAMBU, e programa radial di NOS pa arubiano y antiano for di 1978 te cu 1981. Durante e periodo ey e tabata corresponsal Canal 90 na Aruba y Radio Curom na Corsow. Tambe el a traha programan di television y radio na otro emisoranan y skirbi pa revistanan. Na 1980 el a bolbe un periodo cortico Aruba y tabata tin su programa na TeleAruba titula Perspectiva '80. Parew cu su actividadnan como free-lance journalist, drs. Croes tabata studia Politicologie na Universidad di Amsterdam. Na 1986 el a gradua cu su hoofvak den Bestuurskunde y bijvakken den Internationale Betrekkingen y Economie (major in Public Administration, minor in International

Relations and Economics). Despues di a gradua como politicoloog, drs. Croes, a peticion di gobierno di Aruba, a bay sigui e curso di un aña pa diplomacia (Attache opleiding) na Ministerie voor Buitenlandse Zaken na Den Haag. Na December 1987 el a bolbe Aruba y a cuminsa traha na e Departamento di Relacionnan Exterior. Durante e periodo cortico drs. Croes tabata secretario di e Mecanismo di Consulta cu Venezuela y den tal funcion a prepara acuerdonan cu Venezuela riba tereno di combatimento di

droga, telecomunicacion y suministro di awa. Tambe el a formula hunto cu su director Robertico R. Croes M.A. un strategia pa e decada di 1990 con pa bay diversifica e relacionnan internacional di Aruba. Despues di 10 luna bek na Aruba y pa motibo di e capacidadnan cu el a demostra, gobierno a postule como sucesor di e director Robertico Croes kende a bay participa den eleccion na 1988. Na 1989 despues di cambio di gobierno drs. Croes a worde nombra como vicepresidente di e Comision

Mancomunidad Sui Generis. Den tal funcion el a haci un viahe di estudio pa: Puerto Rico, Canada, Jamaica y United Nations na New York. Den su relatio el a duna un comparacion entre e diferente modelonan di mancomunidad cu ta vigente na mundo. Na 1990 drs. Croes a worde encarga cu reorganizacion di Sociale Verzekeringsbank. Recientemente SVB a organisa un rueda di prensa durante cual drs. Croes a publica e resultadonan positivo di e reorganizacion cua! lo dura en total dos pa tres aña.

SALE!! SALE!!

BARATILLO!!

10%

20%

40%

50%

Dynasty

BOUTIQUE

LA FAMA
Caya G.F. Croes 113 B

A caba di ricibi keds, sapato, tas, sandalia, den tur estilo y pa edad y tambe set di short, set di jeans, bermuda, short, carson y short stretch, tops, sweaters, blusa y blusa capucha. Jumpers di tela y stretch y hopi jeans den tur estilo pa tur edad, prijs na alcance pa un y tur.

